

JOSEPHI MARIÆ
SUARESI

Episc. Vasionensis, & Vicarii
Basilicæ D. Petri,

DE

NUMISMATIS

&

NUMMIS ANTIQUIS

DISSERTATIO.



AMSTELÆDAMI,

Apud HENR. WETSTENIUM.

clō Idc Lxxxiii.

JOSEPH HARRIS
1791

THE
OF

UNIVERSITY

NUMBERS AND QUANTITIES
DISSERTATION

BY
J. HARRIS

AMSTEL-EDAM
APRIL 1791
G. DE LAMM

CLARISSIMO
CONSULTISSIMOQUE
VIRO
SEBASTIANO
FÆSCHIO,

J.U.D. & IN ACAD. BASIL.
PROF. PUBL.

HENR. WETSTENIUS
S.

DUm vitæ ante-
actæ, dum Ami-
corum seriem
cum animo meo
considero, *Clarissime* FÆ-
* 2 SCHI,

DEDICATIO.

SCHI, non potes non inter
primos mihi obversarier.
Illa enim quæ à teneris in-
ter nos fuit animorum con-
junctio tam altas radices
egit, ut nulla unquam ra-
tione evelli possit. Et quam-
vis diuturnum illud & per-
tinax mutuarum literarum
silentium duriusculam su-
spicionem movere videat-
ur, id tamen asseverare au-
sim, nunquam mihi gratam
Tui memoriam intercidis-
se, meque à pristino in Te
studio ne latum adhuc un-
guem

DEDICATIO.

guem discessisse. Id flagi-
tant antiqua Tua in me
pietas & vinculum illud
sanguinis quo inter nos col-
ligati sumus. Quibus acce-
dunt suavis Tua indoles, ni-
vei mores, optimarum
scientiarum, & inter has
politioris literaturæ & an-
tiquitatis studium, & quæ
aliæ egregios viros com-
mendare virtutes solent.
Et quis dotes Tuas enume-
rando brevis esse possit?
Græce tantum, quantum
Eruditorum quisquam cal-
les.

DEDICATIO.

les. Juris peritiam arguit
Professoris persona quam
tanta cum laude sustines &
ornas. Cimeliarchium pos-
sides viris dignum Princi-
pibus & inter prima Euro-
pæ merito numerandum,
sive quis numismatum an-
tiquorum perpetuam se-
riem, sive rariores pictu-
ras, sive denique elegantio-
rum librorum numerum
spectet. Huic præes non
inanis spectator vel custos,
sed qui mente possides
quæcunque vastus ille
The-

DEDICATIO.

Theſaurus Tuus capit.
Hinc temperare mihi non
potui, quin publicum hoc
affectus in Te mei speci-
men darem. Opusculum
fateor mole exiguum nec
tanto dignum Viro; argu-
mento tamen ni fallor tale
quod curiositati Tuæ satis-
facere poſſit. Rogo ita-
que ut illud pro Tua hu-
manitate ſuſcipias, nec
pagellarum numero, ſed
rerum quas tractat ponde-
re metiaris. Deum vene-
ror, ut Te cum omnibus
Tuis

DEDICATIO.

Tuis diutissime fervet!
Amstelædami Calendis
Aprilis clc lcc LXXXIII.

DIS.

DISSERTATIO

de

NUMISMATIS.

CAPUT I.

De Numismate Problema.



Agitur nobile problema inter *Aneam Vicum*, & *Sebastianum Erizzum*: iste negat ea numismata, quæ insigniuntur facie illa *Anaglypha* Imperatorum, Uxorum, & Filiorum, fuisse in usu commercii.

I. Quia non est verisimile vulgari monetæ insculptas fuisse eas Imperatorum facies, quas Romani numinum instar adorarent, & cum illis ad loca secedere turpia apud eosdem Romanos esset capitale (ut patet ex

A

Sue-

Suetonio in *Tiberio*) atqui per manus artificum viliorum traduci facies adorabiles quam indecorum esset.

2. Quia ob nimiam eminentiam *Anaglypha* essent incommoda numerationi, atque adeò humanæ societati, & commercio.

3. Quia erant elegantius excusa, *Anaglypho* nimirum eminenti, & exsculpto. In quo *Anaglypho* cudendo oportuisset *Marculos* signatorios sæpius perfringi; undè fuisset mone-
ta, & *Principi*, & *Præfectis* monetariis damno magis, quàm utilitati.

Ab hac sententia discedens *Aneas Vicius*, arbitratur numismata ea, quæ antea descripsimus; fuisse apud *Antiquos* vulgarem monetam.

1. Quia fuit in usu apud omnes nationes, ut facies *Principum* inscriberentur *Monetæ*, à qua etiam appellationem hauriebant, undè *Darici*, *Philippici*, a facie *Darii*, *Philippi* insculpta; vult *Aristoteles* in *Politicis* appositam monetæ faciem *Principis*
tan-

I DISSERTATIO. 3

tanquam fidejussorem, & vadem justiponderis, & legitimæ materiæ. Apud Imperatores Græcorum in usu etiam fuit adscribi in nummis faciem Christi, quæ adorabilis est.

2. Ea numismata, quæ sunt Anaglyphi eminentioris, adeò non impediunt numerationem, ut etiam juvent, quia faciliùs ab invicem separantur; adde quod sint ad usum diuturniora, quòd facies Principis eminentior, sit etiam diuturnior.

3. Quod attinet ad elegantiam, & ad marculorum frequentem fractionem, ejus est sententiæ, non excusâ fuisse numismata, sed fusa, asseritque Lugduni repertos aliquando ex argilla conflatos monetarios modulos; quibus ita fuis adhiberentur marculi, ut ad absolutam, & expolitam elegantiam perducerentur facies Imperatorum in Numismatis. Sed plura solerter eruditissimus *Carolus Patinus* in *Historia Numismatum* c. 3. ex l. 28. D. de Usufructu; Numismata distin-

4 DE NUMISMATIS Cap.
guens à nummis, etsi sæpissimè mi-
sceantur.

C A P. II.

De Dignitate Numismatum.

POST symbola & characteres Ægyptiacos, post historiarum monumenta litteris consignata, quæ omnia ignis fuerunt, temporisque spolia, demum excogitatum est, iis instrumentis actiones humanas committere, sine quibus humanæ societatis commercia consistere non possent; Monetam intelligo, inventum, quo nullum fuit minus ab initio, nullum majoribus incrementis ad gloriam Imperiorum processit; nihil siquidem vel Græca, vel Romana gessit Respublica, quod spectandum sibi, vel legendum non dederit Moneta.

Si Bella placent, in nummis apparent descripta vexilla, trophæa, allocutio-

cutiones, triumphales currus & arcus, armaturæ modus omnis, clypei, cassides, ancilia, &c.

Si Religio placet, in nummis apparent facies Numinum antiquorum omnis generis, pax, felicitas, æternitas, pietas, templa, sacrorum omnium ritus, Deorum simulacra, aræ, vasa, litui, funerum varietas, apotheosis.

Si placent Politica, in nummis videntur magistratuum fasces, ludi sæculares, theatra, amphitheatra, sellæ, diademata, tiaræ.

Quidquid tandem de primario illo populo celebrari potuit, aut ignorari a posteris non decebat, in æternis numismatum tabulis asservatur. Numismata siquidem sunt illa memoriæ tabula adamantina, gloriæ perennis & immortalis charta, illustris ara Mnemosynes. Inclusum itaque in nummis nobile historiarum opus, atque adeò alibi collapsum restitunt numismata, & illustrent historiam antiquam.

——— Victura signavit imagine
nummus,

Flamma triumphales ambussit livida
ramos,

Auratasque notas vis lethi infregit,
& ævi,

Naumachiae, Circi, Tempia, Am-
phitheatra, Colossi,

Nunc brevis immenso Romæ de funere
pulvis,

Dives adhuc cornu fortuna reliquit
in auro,

Viva renascentes cui spirat imago
Quirites.

Mira fides Plutus Dis lumine cassus,
in auro

Nunc oculos centum ceu lynceus Ar-
gus adaptat,

Qui caci ante Midæ insanas erravit
ad artes

Nunc sedet ipse Sophon gremio, Phæ-
bique Theatro

Speñat honorato spectandus & ipse
metallo,

Ac docto loquitur^r facunda silentia
vultu, Dar-

*Dardanidum antiquos muto canit
ære triumphos.*

———— *præstantque Numismata
chartis.*

———— *Antiquo quo vivit Roma,
 metallo*

*Roma hic actu, sola alibi quæ voce
triumphat.*

C A P. III.

De origine & ætate Numismatum.

DIVUS *Augustinus* lib. 4. de Civit.
ait placuisse Romanis, ut Ar-
gentinus Deus diceretur filius Æscu-
lani quod ærea moneta argenteam
præcessisset. Pecuniæ signatæ usum
antiquissimum fuisse patet ex *Genesi*
de Abrahamo, & aliis; formæ, &
usus facilitas à Servio Romano Rege
traxit originem, qui ovium, bovum-
que effigie signavit nummos, indeque
dicta est pecunia.

Jano tribuitur à plerisque origo
signandæ pecuniæ, quòd in altera

fronte nummorum adscriberetur ejus caput, in altera verò fronte, vel navis, vel pons, vel corona. (*Vide Athenæum, & Macrobius.*) Licet alii velint navim appositam fuisse nummis Italicis, quod Saturnus navi vetus fuisset in Italiam.

Licebat Prætoribus, Quæstoribus, ac Legatis, nummos cudere in Provinciis, ait *Fulvius Ursinus*, & in iis familiarum suarum gloriam characteribus symbolicis tanquam litteris sculperet, ita ut quod nobis sunt stemmata gentilitia, in quibus Galli familiarum suarum gloriam pingunt, id Romanis essent numismata, in quibus adscriberent æternis pæne monumentis domesticæ gloriæ dignitatem.

C A P. IV.

De Materia Numismatum.

PRimus nummus fuit ex ære, ut divitiis assignaretur pondus, sub

sub quo mortales gemere docerentur. Nihil aptius certè potuit eligi ad numismata cudenda, quam metalla, seu commercii gratia, seu memoriae conservandæ, nam figurata metalla faciliùs circumferuntur, & difficiliùs deteruntur.

Alexander Severus necessitate compulsus ex Electro monetam cudit, hoc est miscuit quintam argenti portionem, in aureis, quatuor, ut *Plinio* visum est loquenti de Electro; Gallis dicitur *Orbas*, *Or blanc*.

Caracalla cudit adulterina numismata, plumbum videlicet argento, vel auro illitum pro nummis exponens, ait *Xiphilinus*.

Numa ligneos, & scorteos cudit nummos, quem imitatus est *Fridericus Ænobarbus*, qui penuria pressus in stipendium militum scorteos nummos distribuit argenteo clavo suffixos.

Ferreis nummis dicuntur usi *Lacedemonii* lege *Lycurgi*, ut impedi-

10 DE NUMISMATIS Cap.

rentur pondere pecuniarum, nec eis sese onerarent. Dionysius Tyrannus stanneis nummis fertur usus.

Materia communis Numismatum fuit apud omnes nationes aurum, argentum, æs; quòd æterna sint metalla; stanno, & plumbo abstinuerunt, quod usu deterantur nimis.

C A P. V.

De forma Numismatum.

IN Numismatum figuris tria potissimum videntur consideranda. Et primò quidem occurrit frons prima Numismatis, in qua sculpebatur, ut plurimum, facies Principis. Secundò averfa frons, in qua symbolicis characteribus scribebatur gloria Familiarum, vel Imperii. Tertiò, Epigraphæ variæ, quibus Numismatis utraque frons sæpissimè coronatur.

CAP. VI.

De prima fronte Numismatum.

Dignissimum omnium spectaculorum sub Cælo est humana facies, ideoque antiquitas, ut illustrium virorum faciem faceret immortalem, auro, argento, ære immortaliter expressit

Illustres animas, & quas ab imagine laudes.

Regii, & supremi juris cum semper fuerit cudendæ Monetæ potestas, nemini unquam licuit nisi Principi supremo faciem propriam imprimere Numismatum primæ fronti. Indè Darius punit Aryadnem (ex *Herodoto* lib. 4. *Histor.* pag. 316.) Ægypti Præfectum, quod ausus fuisset monetam cudere argenteam, cui propriam faciem impresserat. Eodem crimine Commodus damnavit Perennium, & Severus Plautianum. Undè qui ambiebant Imperium secretò propria

facie impressam monetam cudebant, quam deinde spargerent & publicarent. Exosi verò Imperatoris Numismata jussu Senatus semper recusa, & refusa sunt, ut ejus facies aboleretur vel in nummis, quod Caligulae, Neroni, Domitiano, Commodò, & Heliogabalo contigit.

Consulum tempore nulli licuit in nummis propriam insculpere faciem viventis, sed Triumviris Monetariis A. A. A. F. F. constitutis licuit vel avorum, vel insignium virorum facies insculpere.

Dion. lib. 44. testatur Julio Cæsari omnium primo concessum fuisse à Senatu auctoritate publica, ut effigiem sui viventis in nummis sculperet; quod admisit, exemplumque ejus secuti sunt posteri Cæsares.

Unum objicitur, plurima extare Numismata, in quibus visitur facies, Junii Bruti, Servilii Halæ, Reguli, Marcelli, Syllæ, Dolabellæ, Pompei, Domitii, &c. Huic dubio multa re-
poni

poni possunt. Et primò quidem hujusmodi Numismata cusa fuisse tempore turbulento bellorum civilium, in quo licebat non quod legibus, sed quod libido, & potestas viribus parata indulgebat. Secundò, non causa iis viventibus, sed fortè ab aliquo Triumviro Monetario, cui Cæsares veniam dabant avorum suorum effigiem imprimendi, præsertim initio Imperii.

Aristoteles in Politicis asserit ideò impressas nummis Principum effigies, ut auctores essent subditis seu de materia, seu de pondere legitimo pecuniarum, cum id omnes sibi facile persuadeant neminem ausurum violare nummum, in quo sit impressa majestas Principis, cujus facies sit ad instar sigilli publici; inde est ut Imperatorum Moneta sacra fuerit appellata. Imò quod adoraretur facies Imperatorum etiam in nummis, sunt qui explicent illud Apostoli: *Avaritia, quæ est Idolorum servitus*, de ado-

14 DE NUMISMATIS Cap.
ratione faciei Principum in num-
mis.

Adulterinae pecuniae conflatores,
imminutae maiestatis rei semper ha-
biti sunt, non tam ob suppositum
nummum, quam quod dignitatem
vultus Imperatorii foedasse crederen-
tur. Inde in Constat. Gratianus &
Theodosius: *Plectatur supplicio, qui
eternales vultus, dum fraudibus studet,
duxerit violare.*

Theodoricus Rex apud Cassiodo-
rum libr. 5. epist. 32. *Moneta debet
integritas quari, ubi vultus noster im-
primitur. Quid enim, ait, tutum, si in
nostra peccatur effigie, & quam subje-
ctus corde venerari debuerat, manus a-
crilega violare festinet. Et infra: Sic
mundum, quod ad formam serenitatis
nostrae adducitur; claritas Regia nihil
admisit infectum, nam si vultus cuiusli-
bet puro colore depingitur, multo iu-
stius metallorum puritate principalis
gratia custoditur; imago Principum sub-
ditos videtur pascere per commercium.*

Ea sane fuit gloria apud populos faciem in Monetis imprimere, ut Reges & Imperatores sibi solis licere voverint, cujus gloriæ tenaces adeò fuisse Romani Imperatores, ut Regi Persarum non concederent signare in auro faciem, sed in argento duntaxat, licet Francis Regibus id concesserint, ut habet *Procopius*.

Idem jus in Principibus certè Divus Ludovicus bellum movit contrà Ducem Britanniaë Petrum cognomine *Maucles*, seu malum Clericum, quòd contra foedus, quo cavebatur, ut candida duntaxat, æreaque materia faciem signaret, auro signasset.

Imago Principum impressa fuit vario Numismatum generi monetario nimirum, honorario munerario; indè ex monetario dicti Darici, Philippici, Antonini, ex *Vopisco* in Aureliano; & in Evangelio: *cujus est imago hac?*

CAP. VII.

De Honorario Numismate.

AD Chilpericum Francorum Regem misit Tiberius Imperator Aurea Numismata quingenta, singula libraria facie propria notata, cum epigraphe: *Tiberii Constantini perpetui Augusti*; in averſa fronte curruſ & auriga; Epigraphe: *Gloria Romanorum.*

Henricus IV. Franciæ Rex, Helvetiis Legatis foedus renovaturistorquem ſingulis dedit quingentorum aureorum, cui appenſum erat Numiſma ſignatum facie ſua. In averſa verò fronte erat Ara, cui innixæ binæ columnæ coronam ſuſtinebant; omnia verò ramis palmeis, laureiſque erant implicata. Ad baſim Aræ programma. *Ex auro Francigena, Anno foederis renovati effoſſo.* In ambitu Numiſmatis Chronologicum erat programma ejus anni 1602. *Regiſ ſaCra ſeDera MagnI.*

Cu-

Cusum fuit Numisma ab Herode, cujus prima frons exhibebat caput Antonii, hâc epigraphe : *Salomoh Meleck ; Salomon Rex.* In averfa fronte templi icon. Epigr. *Templum Salomonis.* Adulatoriè , quasi Antonius effet alter Salomon, Templi Reftitutor.

CAP. VIII.

De Munerario Numismate.

APpressa facies Principum nummis potiffimum in Inaugurationibus. Unde ait *Ammianus Marcellinus*: *Aureos nummos in vultum novi Principis aptarunt. Iuftinianus in Novell. foli Aurum fpargere datur Imperatori, cui etiam foli contemnere præftat fortunæ fastigium. Argentum verò Confulibus largiri decens.*

CAP. IX.

Vultus Heroum & Deorum in Numismatibus.

ROmæ galeatæ cum duabus Alulis virili specie apposita est effigies in nummis Consularibus, ut plurimum, in prima fronte.

Præfecti Monetarii Heroum imagines gentilitias apponebant, ita Calphurnia gens à Calpo filio Numæ originem trahens, Numæ vultum in nummis apponebat: Martius Philippus ab Anco Martio Rege, Anci Martii: Tituria, Tatii Sabini Regis: Julia, Veneris caput: Claudia gens, Claudiæ Vestalis: Cornelii, Africanæ, aut Nasicæ. Civitates vultus fundatorum apponebant in Numismatibus: Tarentini, Tarentis fundatoris Delphino insidentis, quod esset Neptuni filius: Tomitani, Thomæ herois, hac Epigr. *Θωμᾶς κτλ*. In averfa fronte Herculem apponebant horum Genium tutelarem.

CAP.

CAP. X.

Vultus Virorum Illustrum in Numismatibus.

MAgnesi affecti magnis beneficiis à Cicerone, in prima fronte suorum Numismatum caput ejus apposuerunt; in averfa verò facie, manum quæ civicam coronam ferret; allusum ad eam, quam meruerat Consul. Eundem honorem Tito Flaminio libertatis auctori Græci tribuerunt hac Epigr. τ. φ. θ. *Tit. Flam. Deus.*

Coi Hippocratis vultum nummis apposuerant, Teji Anacreontis, Parii Archilochi, Crotoniatæ Milonis, Samii Pythagoræ, Tarentini Architæ, Smyrnæi Homeri, Mitylenæi Sapphus, Athenienses Cynegiri, Gelon* Rex Siciliae uxoris imaginem nummis apposuit, cui nomen Demarete, unde nummus dictus Demaretius, imo

* Uxor Gelonis Regis, Demarete, filia fuit Theronis Tyranni Agrigentinarum. Fazell. lib. 1. Decad. poster. de Reb. Sicul. c. 4.

imo ipsa Demarete. Gergilii in Phrygia, Sibyllæ, eorum concivis, vultum: Alexander Severus, Alexandri Magni faciem: Tiburtini, quòd absoluti essent in Senatu ex Lentuli Prætoris industria, ejus faciem nummis insculpserunt. Caligula jussit apponi in nummis imaginem trium fororum, Agripinæ, Drusillæ, & Juliæ, Dearum habitu omnes, cum cornucopiæ; altera columnæ innixa Constantiæ Deam repræsentabat, altera cum patera Pietatem, altera cum clave Fortunam. Item matris Agripinæ vultum apposuit memoriæ propagandæ gratia.

C A P. XI.

De aversa fronte Numismatum.

REm infinitam aggredior explicandam, eas imagines nimirum, & characteres, qui in aversa fronte Numismatum adscribebantur à Veteribus

teribus, seu Græcis, seu Romanis, seu Barbaris, qui characteres cum à sola ingenii libertate penderent, per se nullis terminis circumscripti, infinitum propè in numerum excreverunt. Uti tamen commodius disputare de illa characterum infinitate liceat, eam ad definita capita revocabo, & primo *de sacris Deorum, Pontificum, ac sacrificiorum symbolis* quæstionem institutam; secundo *de Politicis Magistratuum, ac Regum insignibus, de characteribus Ludorum, Coloniarum, & aliorum id genus;* tertio *de Bellicis Trophaeorum terrestrium & maritimum insignibus;* quarto, *de nobilitatis characteribus, & gentilitiis symbolis;* quinto, *de symbolis artis, & scientiæ Hieroglyphicis;* sexto, *de symbolis moralibus virtutum, & vitiorum.*

Gabriel Symeon Florentinus arbitratur eos Characteres, qui appingebantur in averfa fronte Numismatum, nihil aliud fuisse quàm symbola, quæ nos appellamus (*devise.*) Quæ
sym.

symbola si erant gentilitia, poterant arma, & insignia familiarum vocari; Inde in ea est sententia de nostris stemmatibus gentilitiis, nihil aliud ea esse, quam averfam numismatum antiquorum frontem: Alibi tamen dicit nos inopia laborare argumenti, qui in averfis numismatibus appingamus sola stemmata, cum antiqui fuerint tam copiosi in appingendis symbolis, & Characteribus tam diversis.

Apud Romanos crescente Magistratum, quibus erat cura permixta cudendæ pecuniæ, ambitione, extremis Reipublicæ temporibus, familiarum honores apposuerunt Præfecti Monetarii in averfa fronte, ut symbola Sacerdotiorum, Magistratuum majorum, Ludorum exhibitorum, Triumphorum, Templorum consecratorum, & aliorum id genus; cum antea duntaxat apponerent symbola rei Monetariæ, aut Castrorum signa, vel Victoriæ, vel Bigas, vel Quadrigas, inde nomen Victoriati, Bigati, &c.

Sub

Sub Imperatoribus, numismatibus adscribebant omnes illustres casus; uti sanitatem Principis, per symbola Deæ Sanitatis; ita nuptias, concordiam, expeditiones militares, victorias; omnes demum casus seu bellicos, seu politicos.

C A P. XII.

De sacris averse Numismatis Characteribus.

IN Siclo Judæo excudebatur virga Aaron, & vas, in quo servabatur Manna reconditum, in memoriam coelestis utriusque beneficii, & præstiti sibi Sacerdotii. Epigraphe: *Siclus Israel*, & vasi impositum Aleph, quod per se solitariè positum significat vel Adonai, vel Iehova.

Semisiclus, in cujus altera facie adscribebatur radix Balsami, in altera Palma arbor. Utraque symbola provinciae Palestinæ, vel potiùs Circumcisionis;

cisionis; nam folia Palmæ in figuram cultri finguntur à natura; & Balsamum ut colligatur, incidi debet arboris cortex non ferreo, sed lapideo cultello. Unde huic Semisciclo erat Epigraphe: *Tempus circumcisionis.*

Item in alio Siclo prima frons guttum habuit, & lanam, symbola Sacerdotalis unctionis. In altera fronte torquis Regius variis unionibus distinctus erat, ex multiplici nimirum Regum, & Virorum illustrium serie, ut creditum *Villalpandæ*, totiusque Sicli symbola denotant Pontificalis, & Regiæ dignitatis apud Judæos concordiam.

In nummo Jubæ Africæ Regis apponebatur Ara, cui serpens erat implicitus. Epigraphe. *G. T. M.* id est, *Genius Tutelaris Mauritaniæ.*

Æternitas Augusta altera manu Solem, altera Lunam præfert in Hadriano.

Providentiæ Deorum fulmen adscriptum, quod est symbolum supremæ

mæ auctoritatis; Item Character est celebritatis, & auspiciū rerum illustrium; undè Ægyptiis amplitudinem gloriæ, & famæ toto orbe diffusæ significabat fulmen. Consiliarium etiam dicitur fulmen, quòd eo præfagiantur principibus rerum eventus, in Antonino.

Antoninus Philosophus Imperator fulmen tenens à Victoria in Nummo coronatur seu æmulus Jovis, seu debellatis ac fulminatis Marcomannis.

D. Paulina uxor Maximini in cœlum rapitur Pavone, sicut Faustina, in averfa fronte numismatis.

Solebant Principes speciem affingere sibi ejus Dei, vel Genii, cui essent peculiariter addicti. Ita Antonius fingebatur in Numismate, Bacchi specie hedera coronati. Augustus Apollinis, Commodus Herculis, Antiochus Epiphanes Dionysii.

Dii Tutelares adscripti in Numismatis, ut Pallas à Domitiano, & Antonio Philosopho, & Caracalla; ita

B

Her-

Hercules à Commodo, & Maximiano, Romulus ab Hadriano, Iupiter à Diocletiano, Apollo à Gallieno.

Ita omnes ii Imperatores, qui in Asia res feliciter gesserant, aut Imperium obtinuerant, Solem Orientium nationum peculiarem Deum coluisse notantur. Ideò sæpiùs Sol nummis adscriptus invenitur his titulis, *Solis aeterni*, aut *Comitis Augusti*, aut *Propugnatoris*, ut in nummis Valeriani; *Conservatoris*, ut in nummis Æmiliani; *Providentia Deorum*, ut in nummis Aureliani; *Soli invicto*, ut in nummo Quieti Tyranni, in quo est adscripta imago Solis nudi radiati Orbem tenentis, ad cuius pedes sedet captivus.

Confecrato Vespasiano caput ejus nummo appositum cum hac Epigraphe; *D. Aug. Vespas.* reliqui tituli omittuntur, quod excellenter in titulo Divi omnes humani tituli contineantur.

Galba, quòd esset auctus honoribus

bus à Livia, nummos suos signavit Liviæ imagine, hasta pura, & patera insigni, hanc Epigraphe: *Diva Augusta.* Justinus lib. L. voluit antiquos coluisse hastas pro Diis; atque adeò solebant illæ adhiberi Deorum simulacris, ut in Cæsaribus consecratis.

Augustæ & Reginæ consecratæ colebantur in nummis sub imagine alicujus Deæ; Ita Cleopatra ornatu Dianæ se nummis apposuit. Iulia Severi uxor specie Lunæ aurigantis, hâc Epigraphe: *Luna Lucifera.* Sabina Hadriani specie Junonis. Faustina filia specie Veneris. In nummis autem ut plurimum capita Augustarum Consecratarum intra Lunæ semicirculum sculpebantur.

Tanti fecit Cæsar Pontificiam dignitatem suo maximo labore partam & periculo, ut symbola Pontificia in nummis suis plerumque sculpi juberet; cujusmodi sunt capeduncula, guttus, lituus, aspergillus, secespita, albus galerus, patera, caput vela-

tum, &c. In ejus item nummo reperitur Elephas cum Dracone, uterque Consecrationis typus; Elephas quidem Divis, (ut habetur apud *Suetonium* in Claudio) Draco Heroibus consecratus, ut patet ex *Plutarcho* in Cleomene.

Phoenix Orbi stellato insistens capite radiato in nummo Constantii, fidem resurrectionis in Christo testabatur, & novam in Cœlo gloriam, hac Epigraphe: *Felix temporum reparatio.*

In nummo Titi apparet Urna Columnæ imposita inter duas lauros. Urna est cinerum Vespasiani patris post consecrationem posita inter lauros.

Vota pro salute Principum numismati signata: ita post recuperatam Augusti valetudinem sculpta in averso numismate, Corona quercea, seu Civica Jovi suspensa, quasi Principis salus ad Deos potissimum referatur.

Idem Augustus in expeditione Cantabrica fulmine appetitus vovit Templum Jovi Tonanti, & numis-
mati

XIII. DISSERTATIO. 29
mati apposuit. Vide *Horat.* lib. 3. in
Ode Cælo tonantem credidimus Jovem.

C A P. XIII.

*De Politicis Magistratuum, ac Regum
Insignibus, & Characteribus, Lu-
dorum, Coloniarum, & aliorum id ge-
nus.*

AEgypti Reges nummis adscribe-
bant Silphium, & Sistrum ipso-
rum insigne, sicut & Hieronymus
Siciliæ Rex fulmen. Item in num-
mis Imperatorum [visitur in Clypeo
Caligulæ circulus, ornatus alterna-
tim Lunæ & Stellarum figuris. In
Hadriani Clypeo apparet eques con-
ficiens Chimæram, in Clypeo Taciti
Imperatoris eques præceps, in Cly-
peo Probi pugna equestris. In Cly-
peo Alexii Comneni Aper.

Piso Ædilis ab Augusto creatus
Annonæ curandæ Præfectus, num-
mis suis apposuit Cererem & Satur-
num, tamquam agri colendi docto-

30 DE NUMISMATIS Cap.
res, & Genios agriculturæ, quibus
addidit & spicas, tamquam insignia
Præfectorum Annonæ.

T. Carisius III. Vir (è *Torrent. in Suet.*
Aug. exhibente nummum) cuden-
dæ monetæ præfectus ab Augusto,
non modò symbola Præfecti Mone-
tarii, hoc est forcipes, malleos, incu-
des, pileum Vulcani, sed etiam, ut
Augusto adularetur, apposuit in
nummis aliquando Sphingem, qua
utebatur Augustus in annulo figilla-
ri; aliquando portam Civitatis, quod
Augustus in Lusitania ædificasset
Emeritam, &c.

In nummis Augusti adscribitur
Sphinx, qua notabat ab omnibus dif-
ficillimis negotiis sese expedivisse, si-
cut Sphinx explicabat omnes nodos
ingenii.

Ex nummo Vespasiani licet col-
ligere formam Fortunæ Auræ Im-
peratorum, quæ tradebatur Succes-
sori ad Imperium. Insistit illa Basi-
cum cornucopiæ & clavo, hac Epigr.
Fortuna Augusta. In

In nummo item Vespasiani, tradit ille filio T^{mo} Orbem, hoc est Imperium.

In nummo Pertinacis mulier est stolata, quæ recipit de cœlis delapsum Orbem, quo indicabat ille Imperator se Deorum providentia Imperium accepisse.

In nummo Trajani Jupiter est adscriptus cum fulmine, & pallio, quo tegit, & tuetur Trajanum; quo significabat Principes esse sub Iovis tutela.

Valentinianus junior stat in triremi, angelo ad clavum sedente, hac Epigraphe, *Gloria Romanorum*; qua portendebat gloriam Principis Christiani esse regere Imperium nutu Dei.

In nummo Placillæ Theodosii Uxoris sedet Victoria in mediis spoliis, quæ in Clypeo ad Palmam appenso adscribit, Christus; Epigraphe numismatis est, *Salus Reipublicæ*: quo denotat Christi protectioni & Victoriæ, & Reipublicæ salutem deberi.

In nummo Severi adscriptæ sunt

effigies duorum Liberorum, hac Epigraphe, *Æternitati Imperii*. Verum spes patrem fefellit.

Fortuna cum Cornucopiæ, & pro-
ra adscripta in nummo Vespasiani,
hac Epigraphe, *Fortuna reduci*, desi-
gnabat appulsu Vespasiani ad Impe-
rium rediisse apud Romanos fortu-
nam & felicitatem.

Typus Rheni, quo deveherentur
necessaria, vel, qui Romanos à Bar-
baris determinat & tuetur, in num-
mis adscriptus, hac Epigraphe: *Salus*
Provinciarum.

Interfectorum Cæsaris nummi
continebant in altera facie caput Li-
bertatis, in averfa fronte Victoriā,
quæ Romam sedentem coronaret.

Cæsar Instaurator Corinthi adscri-
bebat nummis Bellerophontem Pe-
gaso insidentem, ac pignantem cum
Chimæra, quod erat Corinthiacæ
Civitatis insigne. Appingebat in
nummis aratrum, vaccam, signa mi-
litaria, vexillum Cohortium, & Aquila-
lam

lam Legionariam, & decempedam, quæ sunt symbola Coloniae deductæ.

In Cassia gente boves jugati apparent, tanquam symbola Coloniae deductæ.

Augustus Reparator Neapolis, quam in urbem Coloniam deduxerat, notabat nummos effigie Sirenes Parthenopes, quod est symbolum, & insigne illius civitatis.

Commodus in nummo, Herculis habitu juvencos jungit, hac Epigraphe: *Herculi Romano conditori*. Nimirum Romam immortalem, & fortunatam Coloniam Orbis terrarum appellavit; volebat enim suam esse Coloniam, inquit *Dio Cassius*.

In nummo Hadriani, Agricola tenet aratrum dextera, anchoram sinistra, hac Epigraphe, *Tellus stabilita*. Quod pacato orbe Hadrianus reddidisset honorem agriculturæ stabilem.

In ejusdem nummo Imperator togatus adscribitur, dextra sublevans mulierem genuflectentem, & turriti

capitis orbi innixam, hac Epigraphe, *Restitutori Orbis Terrarum*. Eo nimirum designabatur tellus, cujus oppidis Imperator Hadrianus beneficia multa contulerat. Nullus enim Principum ferè (inquit *Spartianus*) tantum terrarum tam celeriter peragravit, ubique beneficus.

Imperatores initio Imperii cudebant nummos, in quibus adscripta corona Civica his litteris in medio S. P. Q. R. hac Epigraphe; *Ob Cives servatos*, illi siquidem optabant à clementiæ laude, & paternæ curæ auspiciari Imperium. Undè & titulum Patris Patriæ affectabant. In nummo Augusti simulacrum pacis apponitur alatum, quod Caduceo tangit caput Serpentis, hac Epigraphe: *Paci Augustæ*.

Templum Jani à se clausum, Augustus nummis sculpi jussit, in averfa autem facie apposuit Orbem, hinc & hinc ramis laureis vinctum, in symbolum pacis comparatæ bellicis victoris,

etoriis, hac Epigraphe, *Paci perpetua.*

In nummo Antonini Philosophi, Pax altera manu cornucopiæ, altera protendit facem, qua cumulum armorum accendit, hac Epigraphe, *Pax Augusta.*

In nummo Hadriani, Concordia sedet, ut secura, pateram tenet uti Pacis cum Diis consiliatrix. Spoliis, & cornucopiæ innititur, ut mater Victostrarum, & felicitis affluentia.

Ludi Sæculares symbolis Dianæ, Apollinares Apollinis, Cereales Cereris in nummis exprimebantur. Cæsar, quod Taurum primus in spectaculum exhibuisset, Tauri imagine signavit aliquando nummos.

In nummo Tetrici Imperatoris Tyranni, Typus Lætitiæ adscribitur, quæ gerit dextra manu Diadema, sinistra verò Anchoram, hac Epigraphe, *Lætitia Augusta.* Diadema seu Corona est symbolum Lætitiæ, quod lætantes coronati incedant; indicabat ille Tyrannus se assumpto Imperio

fundaturum Lætitiā publicā.

Forum suū nummis expressit Trajanus, & Pontem in Danubio ædificatum. Item quòd Pontinas paludes siccatas stravisset, & curribus pervias fecisset, apposuit in numismatis suis mulierem humi procumbentem, quæ rotam teneret, & arundinem. Provinciarum symbola aliquando in nummis adscripta; ut Africanæ, quod erat in prima fronte numismatis, adscribitur caput mulieris galeatæ, Elephantino capite; juxta ponitur spica & aratrum; in averſa autem fronte Hercules. In alio nummo Augusti, Pegasus est symbolum Africæ, ut habet Golzius.

In nummo Trajani Camelus, & thuris ramus, est typus Arabiæ Provinciæ.

In nummis Hadriani ramus Oleæ & Cuniculus, quorum feracissima est Hispania, est typus Hispaniæ Provinciæ.

In nummo Decii, Dacia Provincia
baculo

baculo sustinet caput equinum, in signum bellicæ gentis.

Peloponesii testudinem adscribebant nummis, hinc dictus Chelonus nummus. Athenienses Noctuam, symbolum Minervæ sapientis; inde lusus servi Gylippi Laconis: *multas noctuas cubare sub tectis*; quod Gylippus esset depeculatus publicam pecuniam, quam Lyfander fuerat deprædatus Athenis, eamque sub tegulas tecti abscondisset. (Vide *Plut. in Lyc.*) Item Athenienses apposuerunt Bovem in nummis ex instituto Thesei ob memoriam Minotauri à se occisi, aut Tauri Marathonii, aut quod docuisset Athenienses politiam, & cultum agrorum.

Argivi Lupum, & murem in diversis; Rhegini leporem; Dardanii gallos pugnantes; Tenedii securim; Træzenii tridentem, quod Neptunum religiosè colerent: Cephalenii equum; Locrentes Hesperum Stellam; Cephii Shingem eorum insigne,

& Homerum sedentem, ac tenentem manu Iliadem; Smyrnæi Melam fluvium vasi innixum, juxta quem natus fertur Homerus; fluvius autem altera manu laurum, altera lyram tenebat; in averfa verò fronte Victoriâ, quasi de aliis civitatibus, quæ de Homeri natalibus gloriantur, Victoriâ retulissent. Coi inscribebant in nummis baculum Serpente circumvolutum, quod erat insigne civitatis, cujus tutelaris erat Æsculapius.

C A P. XIV.

*De Bellicis Trophæorum Terrestrium,
& Maritimorum insignibus.*

Victoria multipliciter exprimitur. In nummis aliquando Trophæum coronat; aliquando altè volans videtur coronam impositura Duci. Alias Duci stanti, & loricam calcanti, vel clayum, si sit maritimum prælium,
te-

tenenti porrigit coronam, aut palmam, vel laurum.

In nummo Cæsaris, in prima fronte Minervæ caput, in averfa Victoria. Est enim Victoria Minervæ *παρὰ δεξιᾶς*.

In nummo communi Vespasiano & Tito, Victoria basi infistit, ex qua affiliunt duo angues. Per angues invidi designantur, quibus invitis victoria se potitos significabant; aut angues prudentiæ symbolum, quæ victoriam & triumphos, & gloriam in tuto se collocasse designabant: vel etiam concordia sua.

In nummo Posthumi, Hercules coronam imponit Posthumo lorica-
to; quo designabat, se Victoriam adeptum esse auctore Deo, & fortitudine sua, æternumque duraturam, ut indicabat Epigraphe: *Æternitas Augusti*.

In nummo Aureliani, in averfa fronte, laurea corona hac epigraphe: *Temporum felicitas*.

In nummo Antonini Philosophi,
Vir-

Virtus Bellica nudo brachio Ancile sustinens, & altero Victoriolam; quo designabat aperto Marte se velle Victoriā consequi, nec indulgentia fortunæ, sed sua virtute evectum ad Imperium.

In nummo Constantini Magni, item & Justiniani, sedet Imperator manu gestans Globum; cui victoria insistit, coronam capiti Imperatoris imponens, quasi victori Orbis.

In nummo Tiberii, Victoria insidet Orbi stellato, quod victoria de cælis detur; sedet autem ut ejus æternitatem significet, sedet in Orbe stellato, quod adeò gloriosa sit, ut unā cum stellis radios per Orbem diffundat.

Sylla sculpsit in nummo Orbem quadruplici laurea corona circumdatum, ob quatuor ejus Triumphos de Græcia, Asia, Ponto, & Mithridate.

Tanti fecit Pompejus Præfecturam Maritimam, ut nihil frequentius in

XIV. DISSERTATIO. 41

in ejus nummis inveniatur, quam symbola maris, vel Neptunus cum tridente, vel Triton inequitans feris marinis, vel acrostolia, rostra, delphines, trophæa maritima.

In nummo Agrippæ, qui sub Augusto tantum mari potuerat, Neptunus delphinum porrigit. In nummo Pompei, ponuntur symbola traditi maritimi imperii, sceptrum, videlicet, inter aquilam & delphinum.

Alemannia sedens, & lugens juxta trophæum Constantini, hac epigraphe: *Gaudium Romanorum*.

In nummo Tetrici, & Floriani, Jupiter sedet, manuque sustinet Victoriolam, hac Epigraphe, *Iovi Victori*. Victoriā ex symbolo in Deum referunt.

CAP. XV.

De Nobilitatis Characteribus, & Gentilitiis Symbolis.

IN nummo Antonini Philosophi in prima fronte facies Commodi, in averfa ponitur Spes, hac Epigraphe, *Principi Inventutis*. Cusum, videlicet, numisma vivente patre. Ita Diadumeni, Maximini, Philippi juniores.

Porcia gens gloriatur legelata ne liceat verberibus afficere civem Romanum, unde notabat nummos imagine Magistratus cuidam pileum imponentis, hac Epigraphe: *Provoco*.

Reges Macedoniæ Clavam & Leonem apposuerunt numismatis, originis suæ ab Hercule deductæ indices.

Clavus navis communis fuit nota numismatum gentis Cornelix; Pappia gens, orta Lavinio, notabat nummos

mos lupo, vel aquila, vel serpente, quæ erant insignia illius civitatis.

Sicinia gens in memoriam Sicinii fortissimi Romanorum, notabat primam nummorum frontem capite Deæ Fortitudinis, hac Epigr. *Fort. P. R.* id est, *Fortitudo Populi Romani*: averfam vero frontem signabat clava, & leonis spolio, vel coronis, palmis, trophæis, & donis militaribus.

In nummis Valeriæ gentis apponebatur galeata Siren cum hastis & clypeo. Eadem gens Valeria, quod à Sabinis oriunda esset, hique à Pelasgis, quorum mos fuit, ut unum tantum pedem armarent, (ut patet è *Macrobio* in *Virg.* 7.) ideo signabat nummos Marte, qui alterum tantum pedem armatum haberet.

Vibia gens à Sicilia oriunda, signabat Cereris symbolis, aratro nimirum, spicis, tædis, curru tracto à serpentibus, porca, quæ ei sacrificabatur, & persona ob Ludos Cereales.

Nobilitatis Typus apparet in nummo

mo Getæ, qui paludamento insignis hastam fert, & statuam velut stemma majorum.

Gens Cæcilia à verbo græco *καίνομαι*, medeor, à Medicis orta, nummis adscribebat imaginem Sanitatis, & Salutis.

Æmylia gens signabat nummos imagine Æmylii Lepidi, qui Ptolomæi pueri Regis capiti coronam imponeret, hac Epigraphe : *Tutor Regum.* Quod & Ptolomæus moriens tutorem reliquisset filio Populum Romanum, qui ad hoc munus destinavit Æmylium Lepidum.

Claudia gens signabat imagine Claudii Marcelli opima spolia ferentis, vel Claudiae Vestalis, quæ patrem triumphantem, à Tribuno Plebis curru detractum eripuit, & curru reddidit.

Cæsaris nummi pleni sunt, vel stella Veneris, vel capite Veneris, vel Ænea cum Anchise, vel Palladio.

CAP. XVI.

De Symbolis Artis, & Scientia Hieroglyphicis.

SAmii in nummo Pythagoræ sphæram apposuerunt, in qua stellam Veneris virga tangeret Pythagoras; quod dicat *Plinius* ejus syderis rationem primum Pythagoram invenisse.

Tarentini in nummo Archytæ cubum, & cylindrum apposuerunt, quorum dicitur auctor à *Laertio*.

In Carbonis nummo apponitur clava Herculis desinens in caduceum.

In Pomponia gente frequentibus Musarum figuris notantur nummi: Euterpe bifronte Tragoediæ Præsidente; Item Herculis Cythara canentis, Clava interim quiescente.

Titia gens Pegaso notabat nummos, ob Titium Poetam insignem
ejus

46 DE NUMISMATIS Cap.
ejus familiæ, qui floruit sub Tibe-
rio.

Principis providentissimi sapien-
tia, columna Corinthiaca, cui insidet
Noctua; Constantis Imperatoris filii
Constantini sapientiæ symbolum, ad
columnas reclinentur, hasta, clypeus,
galea; perinde atque si arma se sub-
mitterent sapientiæ, aut quod sapien-
tiæ debeat esse juncta virtus milita-
ris.

C A P. XVII.

*De Symbolis Moralibus Virtutum, &
Vitiorum.*

IN Herennia gente numismatis a-
versa frons Æneam habet, qui ve-
hit humeris patrem: in prima verò
fronte Virginem, hac Epigraphe:
Pietas.

Pietatis imago in numismate Pom-
peji cognomento Pii, Virgo baculum
sinistra, dextra porrigens annulum.
Item

Item in ejusdem nummo duo fratres Catanenses.

In lecto reclinatum fulmen supremi Imperii telum, in nummo Titi clementiæ typus est.

In nummo Antonini Philosophi Clementia pateram tenet, & finum pandit, velut asylum referans oppressis. Item in ejusdem nummo clypeata Pallas tutelare hujus Principis Numen.

In Carthaginensium nummo Juno Tyria, seu Cælestis insidens Leoni sursum erecto, dextera fulmen, sinistra hastam puram tenet, hac Epigraphe: *Indulgentia Augusti*. Juno Dea tutelaris Carthaginis ponitur pro ipsa civitate. Severus Imperator habitus ut Deus ab Afris ob ejus in eos indulgentiam.

Adtexenda plura non censui, ne tædium parerem, tum quia hunc gustum præbuisse satis duxi.

Appingendum tamen, nondum liquere quid significant in plerisque Num-

Nummis Græcis Imperatorum notæ F seu L inversæ, & IA, IB, IF; an numerum annorum, quibus inierant, gerebantque Magistratum Monetales Præsides? ut *Angelonius* (in Trajano p. 103) opinatur, L explicans annum; an verò Imperii? uti vult *Tristanus*: (Tom. 3. comment. Hist. p. 214. in Vaballatho.) Et sequuti videntur eos, qui a divinarunt *Ανγκ' Εαντα*, id est, annum. Esse annorum numeri Notam circumductam sensit *Casabonus* (in Sueton. August. c. 87.) at *Josephus Scaliger* (in Chron. Eusebii) putat esse numerum Indictionum Julianarum, Hadrianarum, Antoninianarum, Aureliantarum, Constantinianarum. Itaque ampliandum. Tantumque Nummographorum, qui fuerunt, subtexo indicem, servata serie litterarum, à quibus initium nominum ducitur.

1. *Angelonius.*

2. *Joannes Annus Viterb.*

3. *An-*

3. *Antonius Augustinus.*
4. *Joannes Camers.*
5. *Guilielmus du Choul.*
6. *Cyriacus Anconit.*
7. *Sebastianus Erizzus.*
8. *Hubertus Goltzius.*
9. *Gorlæus.*
10. *Gualterus.*
11. *Antonius Guevarra.*
12. *Wolfgangus Lazius.*
13. *Pomponius Lætus.*
14. *Claudius Menetrius.*
15. *Adolphus Occo.*
16. *Petavius.*
17. *Antonius le Pois.*
18. *Joannes Pontanus.*
19. *Joannes Sambucus.*
20. *Iosephus Scaliger.*
21. *Gabriel Simeonius.*
22. *Iacobus Strada.*
23. *Octavian. Strada.*
24. *Tristanus Sanctamantius.*
25. *Aeneas Vicus.*
26. *Fulvius Ursinus. &c.*

INDEX CAPITULUM.

- | | | |
|-------|---|----|
| I. | <i>De Numismate Problema.</i> | 1 |
| II. | <i>De dignitate Numismatum.</i> | 4 |
| III. | <i>De origine & ætate Numismatum.</i> | 7 |
| IV. | <i>De materia Numismatum.</i> | 8 |
| V. | <i>De Forma Numismatum.</i> | 10 |
| VI. | <i>De prima fronte Numismatum.</i> | 11 |
| VII. | <i>De honorario Numismate.</i> | 16 |
| VIII. | <i>De munerario Numismate.</i> | 17 |
| IX. | <i>Vultus Heroum & Deorum in Numismatibus.</i> | 18 |
| X. | <i>Vultus Virorum illustrium in Numismatibus.</i> | 19 |
| XI. | <i>De aversa fronte Numismatum.</i> | 20 |
| XII. | <i>De sacris averse Numismatis characteribus.</i> | 23 |
| XIII. | <i>De politicis Magistratuum ac Regum insignibus & characteribus ludorum, coloniarum, &c.</i> | 29 |
| | XIV. <i>De</i> | |

I N D E X.


- XIV. *De bellicis trophaorum terrestrium & maritimorum insignibus.* 38
- XV. *De Nobilitatis characteribus & gentilitiis symbolis.* 42
- XVI. *De Symbolis artis & scientiæ hieroglyphicis.* 45
- XVII. *De Symbolis moralibus virtutum & vitiorum.* 46

F I N I S.

1844

Received of the
Honble the Secy of the
Treasury
the sum of
\$1000
for the
purchase of
land
in the
State of
Ohio
for the
use of
the
Government

1844



82 B2616

B-1

SPECIAL

CJ

231

P29

1683

82-B

2616

Bound
with:

83-B

2278

